

佛說阿彌陀經講義

圓瑛法彙

佛說阿彌陀經講義

上海佛學書局印行

圓 瑛 法 彙

佛說阿彌陀經講義

全 一 冊

中華民國二十一年十月再版

◎每冊定價大洋貳角

(外埠酌加郵費)

講述者 圓瑛法師

校訂者 佛學書局編輯部

出版者兼 佛學書局  
上海膠州路七號  
電話三五五二四

印刷者 國光印書局  
上海新大沽路南成都路口  
電話三三七四三號

總發行所 上海佛學書局  
開北：新民路國慶路口  
滬西：麥特赫司脫路

分銷處 各埠佛學流通處  
佛經流通處

## 圓瑛法師法彙序

閩中山川磅礴靈氣所鍾高僧輩出黃蘗心要百丈清規古德流風至今猶有存者圓瑛法師籍隸古田蚤歲脫俗真參實學孜孜弗懈卒能成就其德業光明俊偉與先哲同揆鄉人士皈依座下者如水趨壑比歲卓錫浙東先後住持七塔天童二寺法雨覃敷三根普被余今夏曾詣天童參承道席是時方演講楞嚴緇素翕集法師闡明義趣機辯縱橫聽者無不悅服又以持戒爲學佛之要每反復誥誡而不已信乎宗說兼通行解相應足爲學者之模楷也今海上佛學書局將以法師平生撰著彙刻行世徵序於余夫我佛設教法門雖廣無非使人解黏脫縛明心見性而已學道之士真積力久有悟於第一義諦靈光獨耀迥脫根塵雖不立文字可也其或明宗弘教發爲文辭等身著作亦可也何以故此心既空則文字與實相不相違異故法師願力宏毅所至修廢舉墜鉅細靡遺至於挺身衛道處事變艱危之會不怵不撓尤爲難能可貴惟其真理既徹應物無方雖熾然有爲而不著有爲之相故觀法師之文卽事卽理圓融無礙而佛法之體用彰明具可於



言外得之嗚呼魔說害教魚目混珍大法之凌夷甚矣有如法師言句引經據論涵義深廣而歸於平實是能燦真燈於既昏續慧命於將墜者余安得不為之往復讚嘆也哉

民國二十一年十月閩侯林翹敬撰

（此處為極淡之印文，內容多為佛經經文，因字跡模糊，難以辨認。）

阿彌陀佛

## 序

淨土要典。厥有三經。一。無量壽經。廣陳法藏因地。四十八願。願願誓取淨土。二。十六觀經。教韋提希。以十六種觀法。三。小彌陀經。卽根據觀經。世尊因十五種觀法。鈍根衆生。難以修習。故於第十六觀。開稱名方便法門。以觀佛難。而念佛易。故夫觀佛念佛。不一不異。觀者心觀也。念者心念也。舌根念佛。意根專注一佛。舌爲心之苗。一根清淨。六根同時清淨。根塵圓明。由事理無礙。證入事事無礙。所以彌陀經。爲華嚴經之眷屬流類。雲棲大師。言之詳矣。一句洪名。橫超四土。由信發願。依願起行。持名有深淺。故生品有高下。念至伏見。思二惑。生凡聖同居土。經中所稱。善男子善女人是也。由伏而斷。生方便有餘土。聲聞阿羅漢是也。念至斷塵沙惑。分破無明。生實報無障礙土。諸菩薩衆。及一生補處是也。斷盡無明。證妙覺果位。生常寂光土。佛是也。爲易解故。分析四種。據實而論。西方同居。眞具上三土。土土皆淨。橫豎俱非。橫豎俱卽。靈峯大師。剖心瀝血之談。披露無餘矣。顧疏鈔文義繁博。要解理致淵微。初學未諳教典。咸抱向隅之憾。春初全閩禱祈會成立。延請泉州開



# 佛說阿彌陀經講義科目

甲 一 釋題目

二 敘譯人其詳

三 解經文分三

乙 一 序分又分二

丙 一 通序（亦名證信序）分二

丁 一 標法會時處

丙 二 列聖凡聽衆分三

戊 一 聲聞衆分三

己 一 明類標數

二 表位歎德

三 列上首名

佛說阿彌陀經

姚秦三藏法師

如是我聞一時

與大比丘僧

皆是大阿羅漢

長老舍利弗



戊 二 菩薩衆

三 天人號

丙 二 別序（亦名發起序）

乙 二 正宗分（以信願行三資糧爲宗）分三

丙 二 詳陳依正莊嚴以起信分二

丁 一 徵釋極樂

丁 二 別示莊嚴分二

戊 一 依報分二

己 二 明所受用境分二

庚 二 各出其相

甲 一 結由佛力

己 二 明能所受境分二

庚 一 通約五根五塵明受用分二

並諸菩薩

及釋提桓因等

爾時至今現在說法

舍利弗彼土何故

又舍利弗極樂國土

舍利弗極樂國土

辛 一各出其相

二結由佛力

庚 二別約耳根聲塵明受用分二

辛 一有情法利分二

壬 一正示法利分二

癸 一衆鳥說法

二聞音獲益

壬 二別釋疑難

辛 二無情法利分二

壬 一各出其相

二結由佛力

戊 二正報分四

己 一徵釋名號

又舍利弗彼佛國土

舍利弗極樂國土

舍利弗彼佛國土

舍利弗彼佛國土

舍利弗彼佛國土

復次舍利弗

其土衆生

舍利弗汝勿謂

舍利弗彼佛國土

舍利弗彼佛國土

舍利弗其佛

舍利弗於汝意云何

二成道時劫

舍利弗阿彌陀佛

三化伴二衆

又舍利弗彼佛有無量

四結由佛力

舍利弗彼佛國土成就

丙 二特勸應求往生以發願分三

舍利弗彼佛國土

丁 一往生皆登不退

又舍利弗至阿鞞跋致

二補處算數莫測

其中多有一生補處

三特勸發願求生

舍利弗衆生聞者

丙 三正示執持名號以立行分三

舍利弗至得生彼國

丁 初揀餘行

舍利弗若有善男子

二示正行

舍利弗我見是利

三重結勸

舍利弗我見是利

乙 三流通分三

舍利弗我見是利

丙 一交引佛言勸信流通分三

舍利弗我見是利

丁 一本師讚佛功德

二諸佛勸信標題分六

戊 一東方

二南方

三西方

四北方

五下方

六上方

丁 三微釋經題意義

丙 二得證佛果勸願流通

丙 三諸佛轉讚勸行流通

舍利弗至功德之利

東方至諸佛所護念經

南方至同

西方至同

北方至同

下方至同

上方至同

舍利弗於汝意云何

舍利弗若有人

舍利弗如我今者

# 佛說阿彌陀經講義

浙江甯波接待講寺圓瑛弘悟集

講解此經分爲三科 甲初釋題目 二序譯人 三解經文 今初

## 佛說阿彌陀經

此六字題目。爲一經之總綱。下全卷經文。乃一題之別目。故解經者。必宜先釋題目。如提綱者則衆目自彰。揭領者則衆縷自直。本題具有能說所說能詮所詮。兩種能所。按古德七種立題當判屬第一種。單人立題佛是此土娑婆教主。能說的人。阿彌陀是彼方極樂導師。所說的人。能說所說。二皆是人。以佛是已證究竟極果之人。故題中並無法喻。二單法立題。如大涅槃經。涅槃是不生不滅之法。並無人喻。三單喻立題。如大寶積經。題中惟喻並無人法。四人法立題。如地藏菩薩本願功德經。題中無喻五人喻立題。如如來說獅子吼經。題中無法。六法喻立題。如妙法蓮華經。題中無人。上三單三複

爲六種。七人法喻具足立題。如大方廣佛華嚴經。大方廣是法。佛是人。華嚴是喻。以萬行之因華。莊嚴一乘之果德。本題無法無喻。故屬單人立題。○問佛是何義。答佛是覺義。自覺覺他。覺滿。方稱爲佛。何謂自覺。自覺者對不覺而說。一切衆生。具有本覺。眞如佛性。由無始無明所蔽。迷而不覺。一旦聞經領解。或承知識開導。豁然覺悟。自己及與衆生。本來是佛。與佛無二無別。諸佛如已磨之鏡。衆生如未磨之鏡。雖是未磨。光明本具。從此磨之。垢盡明生。自可與佛之鏡。同其照用。此卽是自覺。自覺異於凡夫。何謂覺他。自覺之後。憐憫一切衆生。沉迷不覺。卽以自覺之道。廣演流布。覺悟一切。欲令衆生。各各反迷還悟。捨妄歸眞。此卽是覺他。覺他異於二乘。何謂覺滿。此有二種。一自覺智。慧圓滿。最初發菩提心。起始覺智。依智斷惑。先斷我執。次斷法執。終破無明。惑盡智圓。而得慧足。二覺他功德圓滿。自從覺悟之後。惟依最上乘。發菩提心。（利他道心）利生爲事業。宏法是家務。經三祇劫。脩六度行。六度者。一布施度慳貪。二持戒度惡行。三忍辱度瞋恨。四精進度懈怠。五禪定度散亂。六智慧度愚癡。功圓果滿。而得福足。福慧兩足。二利圓滿。此卽是覺滿。覺滿異於菩薩。三覺圓。萬德具。乃稱爲佛。○佛有三身。一

法身佛。梵語毗盧遮那。此云徧一切處。在有情分上。謂之佛性。卽衆生本具自性天真佛。在無情分中。謂之法性。卽一切諸法實相。古德云。山河及大地。全露法王身者。此也。二報身佛。梵語盧舍那。此云淨滿。煩惱惑淨。權實智滿。能現自他受用之身者。此也。三應身佛。梵語釋迦牟尼。此云能仁寂默。能仁是姓。寂默是名。若約佛德。能仁屬利他德。寂默屬自利德。隨可度機緣。示現八相成道。如月印水。無處不現者。此也。一佛二弟子。三天四仙五化人。此說者。乃釋迦如來金口之所親宣也。經通五人共說。一佛二弟子。三天四仙五化人。此經揀非餘人所說。乃佛無問自說。因淨土法門。至方便。至直捷。至圓頓。不可思議。無人能問。佛智鑒機。鑒定衆生。能信是法。故無問自說。又說者悅也。悅所懷故。因觀衆生機熟。於此圓頓法門。自能信願受持。是以暢悅本懷而說也。

阿彌陀。譯云無量壽。經云彼佛壽命。及其人民無量無邊。阿僧祇劫。故名阿彌陀。又譯無量光。經云彼佛光明無量。照十方國。無所障礙。故名阿彌陀。實則彌陀。非但光壽無量。而智慧神通功德。一一皆無量也。彌陀因中。爲大國王。聞世自在王佛說法。卽捐王位。發心出家。名曰法藏比丘。對佛發四十八願。莊嚴極樂。依正二報。第十二願云。設我

得佛。光明有數量。下至不照百千億那由他。諸佛國者。不取正覺。第十三願云。設我得佛。壽命有數量。下至百千億那由他劫者。不取正覺。行滿果圓。隨願所成。故光明壽命。悉皆無量。此約事相而論。若約理性。彌陀法身理體。常住不變。即無量壽義。彌陀根本實智。遍照法界。即無量光義。極樂淨土。亦非衆生心外淨土。固衆生心內之淨土。彌陀亦衆生心內之彌陀。果明此理。則親見彌陀矣。

經者。梵語脩多羅。此云契經。謂上契諸佛之理。下契衆生之機。此一字是通題。通於經藏。故屬能詮。上五字是別題。別在本部。故屬所詮。此爲第二重能所。能詮不出聲名句文。佛說此經。以音聲而作佛事。阿難結集。以名句文而爲教體。以此四法。皆能詮也。所詮不出信願持名。佛說此經。先詳陳依正莊嚴。以起信。次特勸應求往生。以發願。三正示執持名號。以立行。以此三法。皆所詮也。合能所二詮。無非如來被下之教。爲教經。教中所依實相之理。豎窮三際。無始無終。橫徧十方。無障無礙。即無量光壽義。爲理經。依理所起。持名妙行。一心不亂。徑登不退。爲行經。○又經具貫攝常法四義。貫則如線貫珠。貫穿所應知之義。令不散失。攝則如經持緯。攝持所應度之生。令皆得度。常則三世



不易。經云過去諸佛法皆如是。法則十界同遵。論云一切菩薩皆依此法到如來地。又經者徑也。持名念佛法門。真修行成佛之捷徑也。初釋題目竟。

甲二敘譯人

### 姚秦三藏法師鳩摩羅什譯

姚秦紀時也。周時有嬴秦。周平王封非子於陝。國號秦。是為嬴秦。南北朝時有符秦。姚秦。符秦即符堅。仕於晉。僭據關中。國亦號秦。謂之符秦。時太史奏曰。有異星現於西域。分野當有大德智人入輔中國。堅云。朕聞龜茲國有羅什者。得非其人耶。遂遣大將呂光。率兵伐龜茲。謂曰。朕非貪地用兵。聞羅什深解法相。為後學宗。若克龜茲。宜馳驛送什以歸。後果得什。載歸中道。聞符堅為姚萇所害。光即據西涼不返。姚萇亦據關中。僭號。是謂姚秦。又名後秦。萇亦聞師名。要請入關。而光不允。萇卒。子興復請不允。發兵討之。光姪呂隆降秦。方得迎師入關。今云姚秦。揀非餘秦也。○三藏法師顯德也。有二釋。一通達經律論三藏之法。依法為師故。二講演經律論三藏之法。以為人師故。○鳩摩